

diisse. dicam quod Parisis vidi : Adolescens quidam fuste percussus ad tempora , convulsus periit tertio die ; aperto capite inventum est os cariosum ; cui hydroargyrii portio inventa est. observandum itaque est , ne caput inungas, nere magna hujus sit medicamentii pars : verum aliis magis , minusve addatur.

## DE RATIO CURANDI per suffitus.

### CAP. X.

**I**N primis paretur cathedra in medio perforata , instar pelvis , in qua exonerari solet alvus ; paretur etiam papilio ex linteaminibus distentis , arcu rotundo , ex vimine , aut alia materia structo ; ita ut totum receptaculum , in quo collocandus est æger , trium palmorum sit capax : cooperiatur de super papilio aliis lodicibus ita aptè , ut fumus exire neutrquam permittatur ulla ex parte : in quo loco ubi sederit ægrotus , statuantur in vase aliquo prunæ ardentes subter cathedram , in quas injici debet trochiscus unus ex novem quos paravimus , singulis vicibus . ac postquam per horam exudaverit , cavendum est strenuè quo minus frigeat : quinimò involutus linteaminibus & lodicibus , quibus in papilione regebatur , transferatur in lectum , in quo totam

totam diem atque noctem jaceat. Hoc idem repetetur per duos alios dies, ac pro singulis suffumigiis tres trochisci adhibeantur suo ordine, donec novem quos dicemus, absolvantur, ac consumantur. victus autem ratio eadem est omnino servanda, quæ in proximè dicto capite descripta est. Siquidem consimilem parietur ægrotus in ore noxam. Paratur suffumigium hoc modo.

R. Cinabrii 3 ij. ℥.

in partes crassiores triti thuris, styracis li-  
quidi ana 3 i. ℥.  
misce: & formentur novem pastilli ro-  
tundi.

#### A N N O T A T I O.

Invenere item empirici & suffitum: ægrum collocant in matella, pannis optimè circumtegunt, ut ne etiam os extet, tum cynabarim cum thure mistum, quo suffiu incalescit æger mirum in modum, ac sudat. acerbiſimum est medicamentum: quo ego nunquam ausus sum uti ad corpus totum: ad certas autem partes, ut crura & brachia, quum sphalceli sunt, vel ferè gummositates vel dolores, vel ulcera male morigerata, etiam præstantissimum arbitror. Cæterum ab eo abstinentum suadeo: nec empiricis credendum, quibus nihil est temerarium magis, quando ausi sunt pilulas ex argento vivo propinare: in quo errore

158 DE CURAN. VULNER.

quondam fuisse legimus Brasavolam doctissimum medicum. utuntur cinnabari, quoniam in ipso est potentia argentum vivum.

DE RATIONE CURANDI

Morbum Gallicum cum decoctione guajaci.

C A P. XI.

**H**UJUS medicamenti potio maximam habet prærogativam in curando morbo Gallico, sive cum ulceribus fatigaverit, sive cum doloribus, aut tumoribus, scabie, febre ethica, aut quibusque aliis affectibus, imò verò egomet hoc medicamento curavi podraga laborantes, ac quamplurimos præ morbo Gallico tabefactos, & motu omni orbatos, pedibus, ac manibus qui in horas vehementia dolorum marcescebant. Ergo præparato corpore cum serapiis, humoribus peccantibus accommodatis, ut cum syrupo sumiterra, melle rosaceo, syrupo borraginis, epithimi, & aliis purgandum est corpus cum catapotijs, aggregativis, aut de hermodactylis, aut aureis, aut arthreticis, aut sumiterra, prout expedieret: factaque semel purgatione, præparetur iterum ad secundam purgationem sequenti decocto.

R. Po-